



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tribunal Poenitentiæ Sev Libri Dvo Prior De Poenitente Ut  
Reo Posterior De Confessario Ut Judice**

**Stoz, Matthäus**

**Anno M.DC.LXXXIX.**

§. 5. An, & quomodo Confessarius debeat sententiam pœnitentis sequi?

**urn:nbn:de:hbz:466:1-37144**

Rectius ergo meo iudicio dicitur, Confessarium non teneri, hic & nunc illi aperte veritatem, sed posse dissimulare, & generali aut æquivoco aliquo responso interrogantem expedire, dicendo v. g. illum talia inutiliter querere, tales cogitationes & curas esse valde damnosas, depoñendas &c. jubendo, ut sua sortè à DÉO data vivat contentus &c. Ratio, quia tali pœnitenti veritas ejusque cognitio est sicut gladius homini, qui illo vel scipsum vel alios videtur esse occisurus, atqui nemo tenet præbere huic gladium, etiamsi alioquin habeat jus petendi illum, utpote suum; ergo nemo quoque tenet illi aperire veritatem, adeo ipsi vel aliis damnosam. Atque ira etiam sentit Tan. com. 4. Disp. 6. q. 9. n. 103. & Dicast. l. c. n. 540. ubi ipse bene advertit, alios Authores, qui contrarium docent, non loquuntur consequenter ad doctrinam sup. n. 128. cum seq. explicatam, & ab ipsis quoque traditam.

### §. V.

*An & quomodo Confessarius sequi debeat sententiam pœnitentis?*

132. Quamvis autem Confessarius possit, & debeat prædicto modo instruere pœnitentem, si in rebus ad conscientiam pertinentibus errat, vel aliquid ignorat. At vero si pœnitens in hujusmodi rebus habeat pro se sententiam verè, & non tantum speculativè sed practicè probabilem, eamque velit sequi, nec ad amplectendam aliam probabilitatem & meliorem possit commodè induci, potest & debet Confessarius eum juxta illam, ceteris quoque requisitis positis, absolvere.

Laym. l. 1. tr. 1. cap. 5. n. 10. Bonac. tom. 1. Disp. 5. q. 7. p. 4. §. 2. n. 26. Palao de conscient. Disp. 2. p. 4. n. 2. Dian. p. 2. tr. 13. Ref. 11. Dicast. Disp. 10. à n. 556. & aii apud ipsos, atque Lugo de pœnit. Disp. 22. n. 39. quod hæc jam sit communis & vera sententia. Ratio est clara, quia pœnitens per hoc, quod adhæreat sententiae verè & practicè probabili, nullum ponit obicem absolutioni, cum id sit licitum; ergo si aliud nihil desit, potest absolvit tanquam rite dispositus. Quandounque autem pœnitens est rite dispositus, tunc Confessarius, postquam confessionem ipsius & peccata audivit, etiam debet illum absolvere; & quidem sub mortali. Partim quia alioquin gravem injuriam inferret pœnitenti, vel one-rando illum ad eadem peccata, si mortalia nunquam adhuc legitimè expiata tunc confessus fuit, iterum confitenda; vel si tantum fuerunt venialia, privando saltem illum contra suum jus Sacramen-to. Partim quia etiam irreverentiam non levem irrogat Sacramento, si illud post legitimam inchoationem relinquit imperfectum, cum commodè posset, & deberet perficere, ut dictum sup. n. 87. & 107. Unde non satis apparet, quâ ratione aliqui apud citr. excusent Confessarium à mortali, si confessio fuerit tantum brevis; vel tantum de venialibus; vel saltem brevis, & de solis venialibus simul.

Verè autem probabilis sententia est, ut hic obiter repeatam, quam constat, quod teneant probatæ autoritatis viri plures vel pauciores, & quandoque etiam unus, sup. l. 1. p. 5. n. 100, atque adeo interdum quoque ipse tantum pœnitens

nitens, v.g. in casu circa materiam sua professionis Confessario non latet notam; etiamsi Confessarius sive jam solus, sive cum aliis putet multò probabilius, vel etiam sciat evidenter, sententiam illam esse falsam.

Practicè verò probabilis est, quæ aliquid spectatis omnibus circumstantiis, in quibus sit, dicit licet fieri. *cit. p. 5. n. 109.* Unde jam speculatorè tantum probabilis est, quæ de re aliqua tantum secundura se & seclusis particularibus circumstantiis (v.g. scandali, periculi, præcepti, voti, pacifici &c.) spectata dicit licet fieri posse. In quo sensu patet, ex eo, quod aliquid sit speculatorè probabile, non posse semper rectè inferri, quod etiam sit practicè probabile.

I. Debet porrò sententiam paenitentis verè, & practicè probabilem sequi Confessarius I. non tantum ille, qui ex officio obligatus est ad audiendum paenitentem, ut proprius Parochus; sed etiam quisvis alias; cum hoc tamen discrimine, quod Parochus debeat paenitentem juxta ipsius probabilem sententiam absolvere toties, quoties confitetur; alias autem in secunda confessione non tenetur absolvere, si in prima mouuit, se deinceps ejus sententiam non securum.

II. Etiam tunc, cum Confessarius sententiam paenitentis, quæ est verè & practicè probabilis, judicat propter aliquam rationem sibi occurrentem; vel ob nullitatem illius, in qua fundatur, esse prorsus falsam, erroneam, &c. Nam hoc contrarium Confessarii Judicium si non sit certum & evidens, sed tantum probabilius, licet duplo, triplo &c. quam paenitentis; nihilominus tamen, sicut

quilibet alius, ita & Confessarius potest relicta sua probabiliore sententia sequi alienam minus probabilem, ut dictum *sup. cit. p. 5. n. 112.* & juxta eam ipse agere, ac paenitenti permittere, ut juxta eam agat; ergo si potest, tunc (ut paulo antea probavimus) hic post auditam confessionem etiam debet sequi; & quidem non tantum in quibusvis aliis, sed etiam in iis rebus, quæ ad valorem Sacramenti Paenitentia spectant, quando enim verè probabile est, paenitentem debitè se examinasse, debitè dolere, Confessarium debitam habere Jurisdictionem &c. tunc Confessarius, etsi multò probabilius judicet, hæc deesse, tamen potest, & consequenter etiam post auditam confessionem debet illum, maximè cùm petir, absolvere.

Quodsi Confessarii judicium sit certum & evidens de aliquo re; opposita tamen paenitentis opinio adhuc verè, & practicè probabilis (uti saepè fieri potest; cùm tunc, quando uni vel pluribus evidenter nota est v.g. paupertas alicuius Mercatoris, possint alii adhuc probabilitè judicare, eum esse divitem juxta dicta *supr. cit. p. 5. n. 106.* & *Lug. cit. Diff. 22. n. 46.*) Confessarius verò non possit suam certitudinem, & evidentiam sufficienter paenitenti ostendere; tunc itidem potest & debet illum probabilitati sua adhærentem, utpote ritè dispositum absolvere, *cit. p. 5. n. 116. & seq.* sed in aliis tantum, & non in iis, que ad essentiam Sacramenti spectant. Ratio disparitatis est, quia Confessarius absolvendo conficit Sacramentum, ergo si absolvit, cùm ipse certò & evidenter scit, non adesse omnia essentia, tunc scienter conficit invalidè, &

peccat. At verò quando adsunt omnia  
essentialia, tunc absolvit validè; & quoad  
ea, quæ pœnitens probabiliter censet sibi  
esse licita, ipse vel nihil agit, sed tantum  
permittit; vel certè, cùm tantum in re li-  
cita ei cooperetur, nihil peccat,

## §. VI.

*Differentia Confessarii à Jūdice, Me-  
dico, & Superiore.*

134. Neque obstat, quod Confessarius sit Judex & Medicus pœnitentis, ejusque superior; Judex autem & Medicus tenetur procedere juxta probabilem; & superior non subdit, sed subditus superioris debeat sententiam sequi. Nam quidquid Laym. i.e. dicat quoad Superiorum, & Dicastro contra Lugonem moveat quoad Judicem, disparitas quoad hæc officia in foro interno & externo consistit in hoc, quod sicut Sacramentum Pœnitentiae est à Christo institutum in bonum & commodum solius pœnitentis; ita etiam Confessarius debeat suum in foro interno officium Judicis, Medicorum, & Superioris exercere in ejus solius bonum & commodum; ergo non potest illum aliter judicare, curare, aut gubernare, quam juxta sententiam ab ipso in proprium commodum electam, quamdiu ea est verè, & prædictè probabilis. Hinc etiam Medicus, cum solius infirmi bonum spectare debeat, tenetur ideo tantum medicinam probabilem adhibere, quia videtur infirmo esse commodior; & si iste mallet minus probabilem, tanquam sibi magis gratam, posset & deberet Medicus istam, & non illam præbere. Sic quoque Judex, quia in

causa criminali debet quoad sententiam  
favere reo, potest & debet eum absolu-  
vere saltem ab instantia, quamdiu verē  
probabile est, eum esse innocentem. In  
causis autem civilibus, quia Judex debet  
tam ad unius ex collitigantibus, quam ad  
alterius bonum, & jus attendere; ideo  
potest & debet judicare secundum pro-  
babiliorem pro uno contra alterum cum  
damno alterius; & quia Superior in sua  
gubernatione præcipue bonum commu-  
ne spectare debet, idque etiam subditite-  
nentur privato suo commodo præponere;  
ideo ille non istorum, sed isti debent illius  
sententiam non tantum probabiliorem,  
sed etiam minus probabilem sequi, atque  
juxta illam obedire.

### *ARTICULUS III.*

*De Obligatione Confessarii pænitentiæ sanandi.*

135. Sicut lavari citò possumus, ad sanandum autem curatione multa opus habemus, teste S. Bern. serm. de Cœna Domini. ita facilè est, pœnitentem à peccatis absolvere, sed eundem ab animi morbis, qui peccatorum causæ, radices, & fontes sunt, persanare; hoc opus & labor est; omnino tamen à quovis Confessario cum summa cura suscipiendus. Alioquin enim absolvendo lavabit quidem pœnitentiem, sed quasi laterem crudum; quem quanto magis laverit, tanto magis lucum facit. can. Ille. 9. Diff. 3. de pœnit. Latur nempe, sed non mundatur, qui (in Confessione) plangit, quæ gestit; non multò tamen post eadem, quæ feverat, repetit. can. Irrisor. II. ead. vel certè inalter mundatur, quem Confessarius non aliter